

DE
TUSSILAGINE
COMMENTARII BOTANICI
PARTICULA I

QUAM

CONS. AMPLISS. PL. PHIL. ABOENS.

PUBLICÆ CENSURÆ SUBMITTUNT

STIPENDIARII HAARTMANNIANI

JOH. GUST. HAARTMAN,

PHILOS. MAG.

ET

ANDREAS JOHANNES ORRSTRÖM,

Aboensis.

IN AUDIT. MIN. DIE XXI. JUNII, MDCCXCVII.

Horis 2. m. solitis.

ABOÆ, TYPIS FRENGELLIANIS.



PROOEMIUM.

Singulas, quas profert orbis quem incolimus plantas, numerando ab excelsa platano ad minimum bryum, secundum certas notas & Charakteres ita ordinare, ut eas quisque faciliter agnoscat negotio, res certe ardua est & a multis per plura saecula frustra tentata, donec Linneo nostro contigit specimen ejus exhibere, praे omnibus, quæ ante illum proposita fuerant, longe acceptissimum. Tantum vero abest, ut existimaverit ipse se omnia, quæ in hac re præstanta erant, præstitisse, ut, perfecta licet dudum ante viginti & quod excurrit annos magna illa scientiæ botanicæ reformatione, editisque libris quæ hujus operis gloriam tanto jure illi demeruerant, modestia tamen non minus laudabili moneret, *præsentem* tunc temporis ætatem *adbuc in litteris & elementis botanicis hærere*, nec videri nisi ostia referata, per quæ in posterum botanici ad immensa naturæ theatra intrent *), quibus verbis certe significare voluit, syltema suum plantarum, ut cæterarum rerum naturalium, pro opere omnibus numeris consummatisimo minime esse habendum, sed potius exemplum exhibere claræ & simplicis naturam rimandi methodi, a posterioribus temporibus majorem exspectaturæ perfectionem, quam ab unius hominis ætate obtainere potuerit. Post illud quoque tempus

A

cre-

(*) Vid. Diff. De Reformatione Botanices. Ups. 1762. p. 13.

) 2 (

crebra incrementa indies cepit amoenissima illa, cuius g-
tor nuper laudatus vir merito salutatur, scientia, collectis
dique terrarum novis plantarum speciebus, aut veteribus p-
bius investigatis ac definitis; ex quo sperandum est aliquando
fieri, ut, quibus adhuc laboret scientia botanica, defectus, cul-
torum studio, sensim exuat & ab omni obscuritate & errore, quo
jam merito arguitur tandem immunis evadat. Ad hunc finem
obtinendum certe conferunt quam maxime sedula & indefessa
partium cujuscunque plantæ vel minimarum scrutinia, ex quibus
liqueat, qua in parte singula genera singulæque species a le-
gibus in libris stabilitis notisque ibidem positis recedant vel
cum iis convenienter. Nullibi autem magis necessaria sunt ejusmo-
di examina, quam in iis classibus, quæ naturalem aliquem or-
dinem comprehendunt. Sic numerosa classis Syngenesia, ut
omnium maxime naturalis, ita genera continet, teste ipso con-
ditore (*), inter se distinctu difficultima, quo sit, ut in
hac Classe, magis fere quam in ulla alia, plurimorum gene-
rum notæ aut fallaces omnino sint, aut obscuram nimis, si cum
notis ceterarum conferantur, ideam tistant. Cum autem in ge-
nere herbæ, quod Tusfilaginem recentiores cum Linneo vo-
cant, utrumque obtinere compererimus, operam, quam in eodem
illustrando collocavimus, notitia botanicorum non indignam fo-
re speramus, probe tamen memores, & nostrum esse, quo
arguimus alios, posse errare. Hujus autem generis perfectam
monographiam scribere haud contendimus. Vires certe no-
stras labor iste longe superat, neque suppetit nobis librorum
aut speciminum isti operi necessariorum plena copia. Sufficiat
nobis meditationes nonnullas de generis hujus īdole & no-
tis, cum indicatione dissensionum quas, fovent varii, qui de
hoc genere scriptarunt, botanici, vel inter se, vel cum ipsa na-
tura

(*) Philos. bot. §. 207.

, litteris consignasse. Adminicula opusculo præbuerunt;
ter varios in illo citatos Auctores, Academiæ, cuius civi-
fruor, herbarium & hortus,

§. I.

*Characterem Generis haetenus usitatum, tam naturaleum
quam effientiale refert.*

Character naturalis:

CAL. *commnis cylindraceus; squamis lanceolato linearibus*
(quindecim vel viginti) æqualibus, discum æquantibus,
submembranæis.

COR. *composita varia*

corollulæ in aliis hermaphroditæ tubulosæ omnes, vel
tantum in disco.

Feminæ aliis nullæ, aliis ligulatæ.

*Propria hermaphroditi infundibuli formis; limbo quin-
quefido (vel quadrifido), acuto, reflexo, calyce longior,*

*Feminæ nulla aut ligulata, angustissima, calyce lon-
gior, integra.*

STAM. *hermaphroditis: Filamenta quinque, capillaria, bre-
visima. Anthera cylindracea, tubulosa.*

PIST. *Hermaphroditis Germen breve. Stylus filiformis, sta-
mine longior. Stigma crassiusculum.*

*Feminis Germen breve. Stylus filiformis, longitu-
dine hermaphroditi. Stigma bifidum crassiusculum.*

PER. nullum. Calyx vix mutatus.

SEM. *Hermaphroditis solitaria, oblonga, compressa, Pappus
capillaris, stipitatus.*

Feminis, si quæ, simillima hermaphroditis.

REC. nudum.

Obs. Petasites T. caret flosculis ligulatis in radio, h.
quibusdam feminei nudi adsint.

Tusfilago T. instruitur semper femineis in radio, co-
rolla ligulata præditis.

Anandria pappo sessili est.

T. frigida variat floribus flosculosis & radiatis.

Character essentialis:

*Receptaculum nudum. Pappus simplex. Calycis squamæ
æquales discum æquantes submembranaceæ.*

§. II.

*Epicrisin haetenus usitati characteris & essentialiſ
& naturaliſ continet.*

Contra hunc characterem varia observanda sunt. Caly-
cis squamæ vix certo numero definiri possunt, In T. alba &
spuria, item *paradoxa* ſepe 12 aut 14 duntaxat numerantur.
(Vid. Retz. Fas. Obs. Bot. I & II.). Corollæ femineæ ad-
funt, præter ligulatas, radiatæ & truncatæ, five in eodem spe-
cimine & late & anguste ligulatæ. Dubito etiam, an limbus
corollæ hermaphroditæ in ulla specie constanter obſervetur
quadrifidus. Vox *Calyce longior* contradic̄tio eſt vocis ſupra
obviæ: *squamis calycis discum æquantibus*. Corolla feminea
integra ineptus eſt terminus & falſus. Quod si de ore tubi
fermo eſt, barbatum hoc obſervatur in Farfara, ſi de ligula,
hæc bifida eſt in T. hybrida teste Leersio (*); & pluribus, ne-
que ſemper calyce longior eſt, ſicut exemplum exſtat in Pe-
tasite.

(*) Flor. Herborn. 664.

ie. *Authera* non semper tubulosa ut in *T. paradoxa*. In maphroditis spuriis *germen* saepe brevius est, quam in testineis. His *stylus* communiter multo longior est stylo hermaphroditorum. *Semina* hi raro, illi semper maturant. *Papus* nunquam stipitatus, nisi in duabus speciebus, quæ ad hoc genus certe non pertinent, puta *T. nutantem* & *albicantem* teste Cel. SWARTZIO. Itaque *observatio* subjecta: *Anandria pappo sesili instructa*, superflua est. *T. frigida* non variat sed determinate ac necessarie in certis speciminibus habet flores & flosculosos (si inepto termino uti liceat) & radiatos & ligulatos.

Character essentialis, qualis in libris Linneanis systematicis audit, satis probatus est, nec facile aliter proponi potest; mentio tamen figuræ calycis videretur fieri debere, sine qua a Baccharide vix posset distingui, cum qua tamen in ceteris parum habet commune. Difficilius autem erit hoc genus a genere *Cinerariæ*, cui certe proximum est definite distingutere, & fasteor me huic termino inveniendo imparem omnino esse, nisi in auxilium vocaretur inflorescentia scaposa, quod tamen fundamento systematis repugnat, eodemque *T. sylvestris* e genere *Tusfilaginum* excluderetur, cum qua tamen adeo arte conficiata sit, ut pro mera varietate *T. alpinæ* habita fuerit. Inter plures illius generis species & *Tusfilagines* mihi notas nulla alia differentia septem partium fructificationis intercedit, quam quod stigma hæ gerant extra stamina plerumque exsertum, illæ vero intra ea occultum. Satius certe esset hæc duo genera conjungere, quæ præter similes fructificationis partes, & solum quod utrumque amat humidum, crasso similiter obviciuntur tomento. Si vero hanc unionem prohiberet tanta utriusque generis in fructificando diversitas, ut totum genus *Tusfilaginis* ex ordine Polygamiæ superfluæ segregari posset & in ordinem sequentem, Polygamiæ nempe necessariae, trans-

ferri pateretur, utut variæ rationes syadere videntur, opta-
simum hoc omnium eslet, & ad omnem ambiguitatem e d-
gnosi utriusque generis tollendam egregie certe conferret, n-
quidem pauca tum forent genera, eademque valde dissimilia,
a quibus *Tussilago* distingui deberet; quod utrum fieri po-
tuerit, judicent, quibus singularum, quas continet, specierum
fructificationem debita cura pervestigare continget. Interea
sequentem proponere lubet *Tussilaginis* characterem tam na-
turalem quam essentialem, naturæ illius, ut spero, magis con-
sentaneum.

§. III.

Specimen novi Characteris proponit. **TUSSILAGO.**

Character:

CAL. *communis* cylindraceus, in quibusdam apice connivens,
squamis lanceolato linearibus, 10 l. 20, obtusis, æqua-
libus, discum subæquantibus.

COR. composita tubulosa.

Hermaprod. in disco infundibuliformis limbo 5fido.
Feminea in radio aut ligulata aut truucata.

STAM. *Quinque* ori tubi hermaphroditæ floris insidentia.
Filamenta capillaria brevissima.

Antberæ coalitæ, aut interdum liberæ.

PIST. Herm. *Germen* teres breve. *Stylus* filiformis corol-
lam subæquans. *Stigma* crassiusculum.
Fem. *Germen* teres tubelongatum. *Stylus* filiformis
corolla longior. *Stigma* bifidum.

PERIC. nullum.

SEM.

EM. *Herm.* si quod, simile forte feminei.

Fem. teretiusculum, elongotum; *pappo simplici,* fessili,
REC. nudum.

§. IV.

Observanda circa characterem naturalem sifit.

Calyx. Hæc pars fructificationis per totum fere genus omnium constantissima optimam certe ejus notam exhibet, levi hic & illic anomalia notanda; accidit ut superiores scapi squamæ usque in calycem ascendant, calyculum, saltem ab una parte, mentientes. Sed cum istæ squamulae partim infra basin constitutæ sint, partim ab uno tantum latere eum vulgo obtegant, calycem neque calyculatum neque imbricatum efficere valent; discum quoque idcirco subæquare dici possunt, quod corollas plerumque longitudine excedant, stigmatibus vero flosculorum femineorum nonnunquam breviores sint, ut in *T. alba*, & forte pluribus; neque tota squama membranacea est, cum semper aliquid succulenti in medio maneat, unde color oritur mediæ squamæ partim viridis, partim purpureus, prout color est squamarum scapi, ultimo margine molli, pellucido. Glaber saepe est, tomento reliquæ plantæ, squamas, ut scapi, sic etiam calycis, raro admodum & non nisi initio forte florescentiæ, occupante. Ceterum eretus conspicitur & subcylindricus, apice interdum patente, ut in *Farfara*. Neque monere opus est, hanc assertiōnem tantum valere de floribus expansis; in *Anandria* autem, cuius mos est florem nunquam fere aperire, globosus est, & disco duplo major, vid. *Diss. de Anandria* Mom. 24.

G. 8.

Corolla triplicis naturæ in hoc genere observatur, nisi fo-
quadruplicis. Adsunt enim interdum vel in eodem spe-
mine feminine corollæ & ligulatæ & truncatæ ut in *T. alpina*, parva scilicet in extremis ligula, in interioribus
deficiente; atque insuper corollæ hermaphroditæ in me-
dio dilco infundibuliformes, ut dictum est, limbo 5
partito vel profunde 5fido, eandemque hæ formam per
totum genus invariate servant. Quamquam quidem re-
feruat dari species, quibus idem limbus adeo conitanter
in quatuor partes tantum divisus est, ut hanc rem pro
diagnosi earum simul proponere non dubitaverint Au-
tores, cuius rei exemplum præbet *T. Alpina*, cfr. Scop.
Fl. Carn. p. 2. 1056. Hoc vero quominus conitanter ob-
tineat eo tutius negare ausim, quod & ipse exemplar istius
plantæ, in herbario Academiæ Aboënsis, affervatum
examinare licuit, cui hæ corollæ solito modo divisæ erant,
& Cel. JACQUIN testatus præterea est *Tussilagines singulas*
& *alpinam*, & *discoloram* & *sylvestrem* conitanter habe-
re corollas hermaphroditas quinquefidas. Cfr. LAICHARD.
Veg. Europ. P. 2, p. 307 — 309. Eadem *alpina* etiam
exemplum triplicis generis corollarum exhibit, nempe
hermaphroditas in centro, feminine truncatas versus ra-
dium, & parva ligula instructas in ipso margine radii.
Tusfilaginis Farfaræ omnes feminine tenuiter radiatæ sunt,
albæ & *Petrositis* truncatæ. *Spuriæ* subligulatæ seu ob-
lique fere truncatæ. *Frigida* feminine corollas in spe-
ciminibus feminine angustissime ligulatas gerit, in mascu-
linis, radio latiusculo, quamvis non admodum elongato,
instructas.

Stamina in nonnullis speciebus etiam a vulgari lege rece-
dunt; in *T. albæ* speciminibus feminineis, antheræ leviter
adeo cohærent, ut vel leni pressione facta facile invicem
sece-

secedant. Idem fieri in *T. paradoxa* narrat Cel. RETZIUS, (vid. Obs. bot. Fasc. II. Mem. 81.). Ceterum anthera, ubi tubum silit perfecte continuum, ore tamen supremo in quinque dentes subinde ampliatur.

Pistillum Pars fructificationis per totum hoc genus maxime memorabilis, cum omnium maxime variet. Nunc spuriū est, nunc genuinum; modo hanc, modo illam, formam induit, eaque ratione innumeris erroribus ancam dedit, & omnes fere botanicos hactenus de genuina hujus generis natura mire sefellit. In charactere supra propo-
fito satis perfecte delineatum est, quantum verbis, quae universalem tot variarum specierum ideam exprimere de-
berent, fieri potuerit. Germina spuria & fertilia non ad-
modum initio floris inter se dissimilia sunt, cito autem
hæc antecellunt, tumida & pleniora evadunt illis, quæ
contra concidunt & marcescunt. Stylus in Hermaphro-
ditis non admodum longus est, definit autem semper in
stigma stilo aliquantum, sed non semper æquali mo-
do, crassius. In *Petasite* valde crassum est & clava-
tum, summo apice emarginatum, in *Farfara* integrum;
in *alba*, *paradoxa* & *spuria* in duas laminas lanceolatas
divisum, nisi quod in *spuria* hæc vulgo cohærent adeo,
ut vix in statu florescentia separari patientur, quamvis
divisio rima pellucida notetur. In *frigida* item duplex
est, partibus teretibus pubescentibus. Simile fere *alpina*
exhibit. Hæc sunt stigmata florum hermaphroditorum.
Femineorum autem stigmata longe aliter comparata sunt.
Sed hæc vulgo minus variant illis. Divisa horum sin-
gula sunt, itemque tenuia & saepè nigricantia; vix tamen
hæc constans nota est; in *spuria* absente bifida sunt. Ob-
tantam varietatem hujus partis Cel. VILLARS (*) eam,

B

quam-

(*) Act. Soc. Hist. Nat. Paris. I'P. Paris 1792 p. 75.

quamvis minutam & fugacem, solam pro nota singularium specierum diagnostica sufficere arbitratus est. *Stylus* filiorum feminineorum multo magis elongatus vulgo eit, quam stylus hermaphroditorum. Ita ialtem comparatus est in *T.*, *alba* ubi triplam tubi longitudinem, itemque in *Spuria*, in qua ligulam adæquat. In *Petasite* stylo hermaphroditi flosculi brevior est. In *Farfara* ad medium ligulam raro extenditur. In *frigida* ligulæ longitudinem modo attingit modo superat.

Semina. Neque hæc singulis speciebus eadem sunt & similia; *T. mutanti* angulata sunt, teste Cel. SWARTZIO, *alpinæ* levia, observante SCOPOLIO, ceteris fere omnibus itriata.

Pappo simplici & omni stipite orbato vulgo coronantur, licet hoc assertioni per omnes Libri Linneani, Genera Plantarum nuncupati, editiones, repetitæ repugnet. Unde autem ille error profectus fit & quo paëto tam diu potuerit propagari dicere non ausim. In *T. nutante* quidem & *albicante* stipitatus esse fertur, forsitan item eit in ceteris binis Americæ calidioris speciebus *pumila* ac *dentata*. Sed hæc quatuor vix pro veris Tussilaginibus habendæ sunt, ut in sequentibus demonstrabitur. In omnibus autem reliquis, tam antiquis, quam novis hujus generis speciebus, omni stipite caret. Simplicem se, nudo tantum oculo, sifit, lente vero vel debilissima armato, pilis lateralibus plumosus conspicitur. In hermaphroditis flosculis saepe spuriis, rarus & minutus est, in feminineis densior multo & magis elongatus,

Receptaculum universo generi nudum, & pro flosculis recipiendis foveolatum, quibus in *Farfara* brevissimum pedicellum subtendit,

§. V.

Succinctam generis historiam enarrat.

Solum omnes fere *Tusilagine*s, faltem europææ, udum aut subhumidum appetunt, certum aquilegis signum præbentes. Rìpas saepe fluviorum argilloſas incolunt & firmant, neque hortos ingredi recusant, ubi tamen radicibus suis late serpentibus, flores & folia passim emittebunt, vicina fata infestant. Noli itaque aliis stirpibus inserere loca poscentes separata, ubi liceat illis libere ac sine noxa exspatiari. Haec tenus tamen *Petasites* ex hoc genere sola inter hortorum ornamenta, minus forte propter flores speciosos, quam tempestivos, accepta fuit, cum hi, pariter ac ceteri omnes hujus generis flores, inter primitias veris numerantur. Colorem varium variæ assumunt eundemque aut purpureum, aut luteum, aut flavum, aut rarius album. Purpureæ sunt: *T. nutans*, *discolor*, *alpina*, *silvestris*, *frigida*, *rubella*, *hybrida*, *Petasites*. Lutescentes: *Farfara*, *lutea*, *alba*, *radiata*, *fragrans*, *nivea*, *spuria*, *paradoxa*, *japonica*. Albæ: *Anandria*, *nana*, *fibirica*. Florem omnes scapo sustinent, nisi excipere velis *T. filvestrem*, quam folia in scapo gerere inepte dicunt autores, nobisque ideo necesse fuit caulescentem vocare. Fulcrum hoc crassum communiter est, fistulosum & succi plenum, paucisque speciebus, iisque solis indicis, exceptis, bracteis seu squamis, nunc latioribus & vaginantibus, nunc angustioribus, in rudimentum folioli saepe abeuntibus obvestitus. Tota planta, flore nonnullæ & squamis scapi exceptis, tomentum densum, album, induere saepe amat, in primis ad interiorem foliorum paginam; idem tamen nonnullæ exiunt; exempla sunt *T. frigida* & *alpina*, quæ illo modo obduci modo carere solent, quare illud ad differentiam specificam constituendam parum valere arbitratus sum, ideoque plane neglexi. Folia, quæ floribus semper

per succedere solent, simplicia singulis sunt, licet interdum rarissime tamen profunde, divisa; marginem dentibus callous fascis saepe munire consuecant, in magnam vulgo latitudinem excrescere solita. Sapor totius herbæ amaricans est. Odor, in T. fragrante & frigida laudatur, in ceteris vulgo fatuus deprehenditur aut fere nullus. Aetatem omnes plurimum annorum, exceptis solis indicis, nescio an singulis, attingunt, radice facilis multiplicandæ, quam femine. Ad ipsam singularum quod attinet, nisi omnium climatum, omnium itam Zonarum indigenæ sunt. Calidas Americæ partes inhabitare mutantem, dentatam, pumilam, & albicauam discimus. Frigidam frigidæ Zonæ incolam esse ex itineribus per ipsam institutis novimus. Ceteræ omnes Zonæ temperatæ alumnae Europam aut Asiam frigidiorum aut Americanam septentrionalem incolunt; Africam, quantum adhuc constitit, nullæ. Svecicæ hactenus detectæ sunt; alba, *Petasites*, *spuria*, Scaniæ incolæ, *Frigida* Lapponiæ Finlandiæque alumna, & *Farfara* ubique serie proveniens. Rationes quæ adfunt suspicandi, & *hybridam*, & *paradoxam* in Scania inveniri, suo loco adferre haud intermittam.

§. VI.

Usum exponit.

Ex quinque *Tusfilaginum* speciebus, quas alit patria nostra parcus sane admodum redundant usus, saltem in Oeconomia. Flores, in primis *Petafitis*, vernalem apibus, & avide desideratam, messem præbent. Ex *Farfara* somitem haud contemendum, eo modo præparari docet *Stapelius* &c. ut e radicebus autumno evulsis auferatur lana fusca eas vestiens, quæ depurata & linteo obvelata coquatur paullisper in lixivio, & postea siccetur. Ubi prior autem usus hujus herbæ in Medicina,

Cina. Ab antiquissimis enim temporibus in omnibus pectoris affectionibus pro egregio medicamento habita fuere hujus radix, herba & flores, variis medicaminum formis, ut infusa, decocta, conservas, syropos, linctus & tabellas ingressa. Foliorum fæcum, tabaci more haustum, antiquissimum perinde ac nostratum, tussi & asthmate laborantium, vulgaris medicina fuit. Herba tota amaricans est, odoris fere expensis, communique cum ceteris ejus ordinis plantis proprietate pollet crasios humores in corpore diluendi, functiones varias naturales concitandi, partesque solidas vi sua adstringente, corroborandi; hæc cum ita sint, mirum certe non est eam in debilitate viscerum variisque lymphæ ceterorumque humorum affectionibus acceptam fuisse medicinam; contra vero admiratione certe dignum, frequentiorem hodie non esse usum hujus medicamenti de cuius virtute, ex instituta principiorum radicis hujus exploratione chemica, indeque comprehensa cum radice Taraxaci maxima similitudine, doctissimus CARTHEUSER tam auspiciatum tulit iudicium, ut non dubitaverit praticos horari alteram in alterius locum tute ac citra ullam deliberationem subrogare (*): Idque eo majori jure eum fecisse persuasi esse possumus, quo efficaciam hujus stirpis in affectionibus corporis humani pertinacissimi egregia postea documenta confirmaverint, ut in hepatica febre, etiam diarrhoea colliquativa comitata, quam infusum hujus herbæ, præcipiente Percival, feliciter superavit (**). Eximum quoque remedium antiscrophulosum, testibus FULLER, CULLEN, GIRTANNER & HUFELAND, præbent foliorum tam succus quam decoctum saturatum. Scrophulas scrophulosaque ulcera item crustam laeteani sanavit MEYERUS unciis tribus foliorum Farfaræ in

B 3

libra

(*) Fundam. Mat. Med. Sect. XIII. Cap. V.

(**) Sammlung für prakt. Aerzte. 2 B.

libra aquæ ad sex ejusdem uncias decoctorum, additis Looch de Farfara unciis duabus (*); idemque refert alium medicum tineam capitis debellasse eorundem foliorum decocto (**). Externe quoque folia adhibentur in cataplasmate emolliente parti inflamatæ imposito, eaque vino antea decoqui dudum jussit HIPPOCRATES. Nuperime Cel. NOCCA ex Italia scripsit, illa a mulieribus ibidem mammis intumescentibus cum emolumen- to imponi (***) . Præter Farfaram nulla, ex genere Tusfilaginum, planta officinas Pharmacorum ingressa est, excepta uni- ca Petalite; hujus autem laudes olim maximæ fuere, quippe quæ ipsi pesti, dirissimo morbo, opponebatur. Qualitate cum Farfara multum convenit, Radix enim, sicut illius, amara est sed plus habet aromatici. Sudorem præcipue pellit, qua- propter olim inter præstantissima alexipharmacæ relata fuit. Narratur etiam podagram sanasse eadem, eximia certe, qua pollet virtute sudorifica, ipsamque Epilepsiam, tonica forte vi- sua, quæ haud mediocris est, nonnunquam superasse. nostris temporibus usus ejus fere evanuit, idque immerito omnino, cum forti et penetrante vi sensus afficiat, unde validam in ea latere varios morbos profligandi potestatem, probabile est.

Cum plurimæ, præter binas jam memoratas Tusfilaginum species, saporem habent itidem amarum, credibile est, ut eas- dem quoque virtutes possideant, quamobrem in iis regionibus, ubi ceteræ deficiunt, præsentaneam, & vix forte inferiorem, medicinam earum in loco præbere posse videntur.

§. VII.

(*) Looch de Farfara constat secundum Ph. Wurtemb. ex pulpa ra- dicum coctarum eribrata & melle junctim coctis.

(**) BALDINGERS N. Magaz. 7 B.

(***) USTERI Ann. d. Bot. V. p. 19.

Etymologiam & nomina docet.

Tusfilaginis, ut Plinio audit, & Bechii, ut Dioscoridi, nomen, utrumque derivatum a morbo, cui mederi solebat, Farfara nostra apud veteres adepta est, commune cum salvia officinali, ut patet a descriptione hujus in scriptis Apuleji & Plinii obvia. Farfaram & Farfarellam eandem vocavere posteriores, inque his primus tere Cæsalpinus, ob similitudinem certe foliorum cum foliis Populi albæ olim farfari nomen gerentis, quod utrum altera ab altera, vel utraque a flumine fabinorum farfaro, cui forte conterminæ fuerint, vel a farre, ob candorem, mutuatæ sint, non facile est dictu. Populaginem etiam appellatam esse fertur ob eandem rationem; hanc tamen appellationem Calthæ palustri, quæ etiam Tusfilago vocata fuit, proprie competitivissæ, docet nos non sine veri similitudine Pinax Bauhini. Ungulam caballinam & asininam Tragus secundum Brunsfelsium dixit, versione certe nominis *Rosbuf*, quo præter, vulgarius Huflattig, apud germanos appellatur. Latissimæ foliorum formæ petaſum referenti nomen, Dioscoridi familiare, Petasites debet, quam Chamæleucen Plinii esse non inepte conjicitur, cum moneat secus fluvios nasci, folio populi sed ampliori, & apud Italos Farranum sive Farfugium vocari. Propter flores foliis præcociores cognomine Filii ante Patrem Farfara appellari solita fuit.

Audit insuper hoc genus, & quidem Farfara: *Hispanis*. Unia d'afino. *Italis*, Farfaro & Farfanella. *Gallis* Pas d'Ane, Pas de Cheval, Pacconnet, l' Herbe de St. Querin. *Anglis* Coltsfoot. *Belgis* Hoeiblad, Hoeflatouw, Paardenklaauw. *Germanis* Huflattig, Rosshuf, Brandlattig. *Svecis* Hästhof. *Petasitem & hybridam* vocant. *Galli* Chaperron, *niere*,

niere, Glouteron, Herbe aux teigneux. *Angli* Butterbur,
Belgi Dokke-bladen, Pestilentie kruid. *Germani* Pestilenz-
wurzel, *Sveci* Pestilentie rot.

§. VIII.

Inventores, historicos & statores generis recenset.

Sex tantum in Pinace Theatri botanici C. BAUHINI enumeratae sunt, primumque in aliquem ordinem dispositae hodie nomine *Tusfilaginum* species, puta *Farfaram*, antiquis notam, *Alpinam* & *Discoloram*, opera Clusii in alpinis & Pannonia detectas, utrisque in nuper memorato libro, *Tusfilaginis* nomine consociatis, & *Petasitem*, antiquis itidem familiarem, cum nominis socia *T. alba*, ejusdem CLUSII ope in lucem proposita, *Frigidamque* Cacaliæ tomentosæ nomine a detetore eodem BAUHINO donatam. Post saeculum fere *Japonicam*, sub titulo Dotonici *Tusfilaginis* folio, icone illustrata in PLÜKENETIUS ex Amaltheo addidit. Circa idem tempus primam ex America *Tussilaginem*, postea, cum eam videre LINNEO contigit, *Nuvantem* vocatam, SLOANIUS e Jamaica reportavit, ejusque imagine Historiam, quam edidit, Jamaicæ insulæ ornavit, addito ponente: *Lens leonis* folio subtus incano, flore purpureo. Neque ulla specie ulterius auctum fuit hoc genus, antequam DILLENIUS *Tusfilaginis-hybridae*, ex horto Sherardi Eithameni deponitæ, Rajoque dudum perspectæ, figuram & descriptionem naturæ curiosis exhibuit. Eandemque paucos post annos III. LINNEUS noster, iunctis his omnibus, quotquot viderat, sub unum genus speciebus, quæ anteas, a bitro TOURNEFORTIO, sub duobus generibus militaverant, *Tusfilaginis* scilicet radiatæ; & *Petafitis* Dilatideæ, jacisque solidioribus totius scientiæ botanicæ fundementis, in hortum, quem delineavit, Cliffortianum introduxit.

xit, posteaque Upsaliam redux *Anandriam* Sibiriae lectam, in
que vanam istorum fundamentorum contumeliam, ab oppugna-
tore Siegesbeckio ita vocatam, dissertatione academica propo-
suit, rudi subjuncta icona, cuius melius exemplar, una cum
succincta descriptione, libro: Horto Upsaliensi, tertio post an-
no, adnexuit, annoque sequenti, opera GMELINI, qui iter per
Sibiriam fecerat, editus est libri Florae Sibiricæ Tomus secun-
dus, ubi octo delineantur, inque iis quinque novæ, *Tussila-*
ginum species, earum regionum incolæ, quarum una dudum
a Linneo pro mera varietate T. *Anandriæ* declarata fuerat,
ceteræ autem omnes nūquā ab eo receptæ aut nomine tri-
viali donatæ erant. Licet enim adeo deceim & quinque hu-
jus plantæ species re ipsa a variis botanicis recensitæ fuissent,
liber tamen Linneanus, cui titulus Species Plantarum, pau-
lo post primum editus, plures septem hujus nominis plantis
non enumerat, *alpina* scilicet & *discolori* in unam junctis,
neque visis adhuc forte quinque Sibiricis nuper memoratis,
nec *japonica*; hanc demum Mantissæ plantarum primæ inse-
ruit. Deinde libro Specierum Plantarum iterum edito Tusfi-
laginem *dentatam*, speciem Americanum imperfecte examina-
tam, operaque PLUMIERII delineatam, ac *mutantem*, de qua
supra monuimus, opera BROWNI & PLUMIERII ulterius illu-
stratam, unaque cum aliis plantis Jamaicensibus dissertatione
academica (*) dudum indicatam, prioribus associavit. *Tusfi-*
laginis alpinae alteram, ad judicium Linnæi, varietatem, olim
a CLUSIO & BAUDINO, ut supra docuimus, distinctam, Cel. JAC-
QUINUS in Flora austriaca, anno 1773 & seqq. edita, primus
discolorem dixit, ejusque iconem cum icona aliis speciei,
anno p̄æcedente a Scopoli in Floræ Carn. ed. 2 primum vul-
gatæ, & *silvestris* dictæ, subjuncta utriusque descriptione, ex-

C

hi-

(*) Plantarum Jamaicens. pugillus Ups. 1759.

hibuit. Plures decem & septem jam commemoratis hujus generis speciebus Linneo vivente haud innotuerant. Ex iis vero decem solummodo ab illo pro veris ac distinctis speciebus *Tussilaginis agnita* fuerunt. Anno post obitum ejus, *Fasciculum Observationum Botanicarum primum*, RETZIUS, ad Acad. Lund. Botanices tunc temporis Demonstrator, nunc Professor Celeberrimus, typis vulgavit, inter alias plantas speciem quoque hujus generis, *Scaniæ aliam*, *alumna*, descriptione & icone delineatam, *spuriamque dictam*, complexum, cui binos post annos aliam simili modo, in secundo earundem Observationum Fasciculo, adumbratam, ex horto, cui praedit, addidit. Eodemque anno Nob. Linneus Filius plantam *Jamaicensi*, *Leontodon tomentosum* nominatam descriptamque, inter ceteras Supplementi a se editi novitas, prodidit, postmodum a Cel. SWARTZ (°) ad consortium *Tussilaginum amandatani*, nomineque *albicantis* donata, associata nova ejusdem generis & insulæ planta, *pumila* notum adepta. Anno proximo, iterum nova hoc genus augebatur specie, primaque septentrionali-Americanæ, nomine *palmata*, Catalogo Aitoniano Horti Kewensis, cuius per duodecim annos dudum alumna fuerat, cum imagine, inserta. His omnibus, una cum associatis quinque Floræ fibricæ supra memoratis, *nana*, *fibrica*, *rubella*, *lutea*, & *radiata* vocatis, fola *albicante* sub antiquo *Leontodi* genere, errore forte, retenta, Cel. Goettingensium Professor GMELIN novam, quam ante paucos annos curavit, Systematis Linneani editionem ornavit, numero viginti & una speciebus. Post illum librum editum binæ adhuc species ad notitiam botanicorum pervenerunt, idque auxilio D:ni VILLARS Professoris Gratianopolitani Cel., qui brevem hujus generis monographiam in A&., Soc. Hist. Nat. Paris, Tom. I. cum iconibus novarum litteris confignavit, *fragrans nimirum & nivea*, utraque Gallice incola.

Auctořibus jam commemoratis, omnia, quotquot hacten
nus innotuerunt, *Tusfilaginum* specierum primam notitiam
debemus, eamque postea alii adumbrationibus & observatio-
nibus passim obviis ulterius auxerunt, quorum nu-
mero, praeter ceteras Materiæ Medicæ & Florarum va-
riarum regionum scriptores, Cel. BERGUM merito referimus,
qui *Farfaram* & *Petasitem* in sua Mat. Med. plene satis & ex-
acte delineavit. Dissertationem quoque Medicam de *Farfara*
Cl. LEYSELUM scripsisse legimus, sed ipsam non vidiatus. In-
ter botanicos autem, qui hoc genus illustrarunt, præ ceteris
eminet clarissimus, dum in vivis erat, Bot. Reg. Fr. EHREHART,
qui suis *Beyträge zur Naturkunde* P. III. p. 64 & seq. obser-
vationes in variis hujus generis species summa industria fa-
ctas inseruit, quibus, praeter suspicionem, quam se fovere signi-
ficat, *T. Farfaram* esse plantam non superflue sed necessarie po-
lygamam, ostendere egregio successu conatus est, *T. Petaſi-
tem* non nisi alterum sexum efficerè eundemque ~~masculinam~~
plantæ, cuius femina *T. hybrida* existit, eundemque morem
observare *T. albam*, quæ duplicom vulgo faciem præferit, aliis
scilicet specimenibus solos flosculos hermaphroditos spurios,
aliis meros fere feminos explicantibus; itemque *T. parado-
xam* & *spuriam* Cel. RETZII unam eandemque speciem esse si-
mili modo ambiguam. Eademque viro meritissimo *T. frigidæ*
nostræ meliorem notitiam acceptam referimus, unde suspi-
ci licet, fructificationem illius pariter esse comparatam.

Ex hoc colligitur, item adhuc sub judice pendere, an sin-
gulas, quas supra commemoravimus, viginti quattuor *Tusfila-
ginis* species inter se pro vere distinctis habere debemus.
De hac re ut alioram judiciorum & nostram qualencunque
sententiam suo loco in sequenti hujus dissertationis parte pro-
ponere licebit. Interea singularium specierum seriem metho-
dicam, notis magis forte distinctis, quam quæ antea propositæ

fuerunt, e cuiusque speciei proprietate elicitis, sibique mutuata adaptatis, ut differentiam, nisi plane specificam, salem, quantum fieri potuit, claram exhibeant.

§. IX.

Seriem Specierum, cum differentiis emendatis, exhibet.

1. *Scapo unifloro, nudo.*

dentata 1. T. foliis lanceolatis, dentatis, villosis.

albicans 2. T. fol. lanceolato-ovatis, subtus tomentosis, obsolete retrorsum ferratis.

nutans 3. T. fol. lyratis, flore nutante,

pumila 4. T. fol. lyratis, flore erecto,

2. *Scapo unifloro, squamofo.*

Anandria 5. T. fol. lyrato-ovatis, calyce clauso.

nana 6. T. fol. lyrato-ovatis, calyce subaperto.

fibirica 7. T. fol. ovato oblongis, sinuato-dentatis.

Farfara 8. T. fol. cordatis, obsolete-lobatis, denticulatis.

3. *Scapo unifloro, subnudo.*

discolor 9. T. fol. orbiculatis, crenatis, supra lucidis, subtus tomentosis.

alpina 10. T. fol. cordato-orbiculatis, crenatis, utrinque viridibus.

4. *Gaule adscendente, sub unifloro.*

silvestris 11. T. fol. cordato-orbiculatis, incisis, lobatis.

5. *Scap-*

5. *Scapo multifloro, squamoſo; thyroſo corymboſo* (*).

- palmata* 12. T. fol. palmatis,
frigida 13. T. fol. ſinuatis, floribus discoideis.
rubella 14. T. fol. ſubcordatis, angulatis, floſculis plurimis hermaphroditiſ.
lutea 15. T. fol. cordato-orbiculatis, dentatis, floſculis plurimis femineis.
alba 16. T. fol. cordato-orbiculatis, floribus discoideis.
radiata 17. T. fol. cordato-orbiculatis, dentatis, floribus radiatis.
fragrans, 18. T. fol. cordato-orbiculatis, acute crenatis, floribus radiatis,
nivea 19. T. fol. hastato-cordatis, ſinuato-dentatis.
ſpuria 20. T. fol. denticulatis, ſagittatis, floſculis hermaphroditiſ plurimis, antheris coalitiſ.

6. *Scapo multifloro, squamoſo; thyroſo racemoſo.*

- paradoxa* 21. T. fol. ſagittatis, acute dentatis, floſculis hermaphroditiſ paucioribus, antheris liberis.
hybrida 22. T. fol. cordato-orbiculatis, floſculis plurimis femineis,

Peta-

(*) Thyrſus, qualis ab Ill. LINNEO in Phil. bot. & affeclis definitur, ſuperfluum nomen eſt, neque ullius ſpeciei intra hoc genus florendi modo applicabile. Nunquam quoque in iis fastigiatus dici potest. Nobis autem hic Thyrſus audiit genus inſlorefcentiæ, cuius species panicula, racemus & corymbus ſunt ita, ut earum modo unam, modo alteram exhibere poſſit, nec certam legem obſervet. Thyrſus vero racemosus nobis habitum gerit racemi, corymbolus corymbi, hujus ſcilicet pedicellis fere æqualibus, illius inferioribus longioribus.

Petasites 23. T. fol. cordato-orbiculatis, flosculis plurimis
hermaphroditis.

7. *Scapo multifloro, nudo.*

japonica 24 T. floribus majusculis, fol. cordato-orbiculatis,

§. X.

Particulam claudit.

Expositis in praesenti opusculi particula universarib[us] generis, de quo egimus, momentis, peculiarem cujusque cie[re]i pertractionem, cum criticam, tam historicam alteri istius parti reservamus. Filum enim commentarii hic abrumere iubent partim angustia temporis, partim defectus observationum, quas si ulteriore examine percire sive augere dabitur, eas cum orbe botanico eo libenter communicabimus, quo etiam modi observationibus nihil certe magis conductit ad veram plantarum notitiam comparandam, easque dignoscendi methodum adeo limandam, ut errores, quibus jam scatet numero fisisimis, sensim dispareant, & verum ac fidele naturæ sectatoribus exhibeat instrumentum, cuius ope meandrum hunc, tot variis anfractibus ancipitem, tot dolosis ludentem ambagibus, tute aliquando persequi liceat.

